



OŠ „JOŠANICA“
Lukare, Novi Pazar

U Novom Pazaru, 23.03.2019.godine
Broj: 300-09/2019

Na osnovu člana 123. stava 8. Zakona o osnovama sistema obrazovanja i vaspitanja, ("Sl. glasnik RS", br. 88/2017 i 27/2018) člana 12. stav 1. tačka 3. Zakona o nacionalnim savetima nacionalnih manjina („Službeni glasnik RS" br. 72/2009, 20/2014 – odluka US, 55/2014 i 47/2018), i član 16. stav 1. tačka 3. Statuta Bošnjačkog nacionalnog vijeća (RB 54-12/2018, od 08.12.2018.godine), a na osnovu zahtjeva OŠ „Jošanica“, Novi Pazar (RB 268-17/2019 od 18.03.2019.godine), Izvršni odbor Bošnjačkog nacionalnog vijeća u Republici Srbiji je na sjednici održanoj 23.03.2019. godine donio odluku o davanju pozitivnog mišljenja na izbor direktora OŠ „Jošanica“ u Novom Pazaru.

I

Daje se pozitivno mišljenje na izbor **Nazima Suljića** na radno mjesto direktora OŠ „Jošanica“, Lukare, Novi Pazar.

II

Mišljenje dostaviti OŠ „Jošanica“, Novi Pazar.

O B R A Z L O Ž E N J E

Izvršni odbor Bošnjačkog nacionalnog vijeća u Republici Srbiji je razmatrao zahtjev OŠ „Jošanica“, Novi Pazar (RB 268-17/2019 od 18.03.2019. godine), u kojem je na osnovu člana 123. Zakona o osnovama sistema obrazovanja i vaspitanja, traženo mišljenje o kandidatu za radno mjesto direktora škole. Školski odbor ove škole je raspisao konkurs za izbor direktora škole koji je objavljen u listu „Poslovi“, broj 817. od 20.02.2019. godine, u trajanju od 15 dana. Prijavu na konkurs je dostavilo dva kandidata: Nazim Suljić i Senad Nezirović. Oba kandidata ispunjavaju uslove iz konkursa shodno Zakonu o osnovama sistema obrazovanja i vaspitanja.

Nastavničko vijeće OŠ „Jošanica“ u Novom Pazaru, je tajnim izjašnjavanjem na posebnoj sjednici održanoj 11.03.2019. godine, dalo većinsku podršku kandidatu **Nazimu Suljiću**, profesoru fizike i osnova tehnike za osnovnu školu.

Sjednici Nastavničkog vijeća prisustvovalo je 74 zaposlenih od ukupno 75 zaposlenih. Od 74 koliko je ukupno izašlo na glasanje, na posebnoj sjednici 52 zaposlenih je glasalo za kandidata Nazima Suljića a 21 zaposlenih je glasalo za kandidata Senada Nezirovića, dok je 1 glas bio nevažeći.

Školski odbor OŠ "Jošanica", Novi Pazar, uz zahtjev za dostavljanje mišljenja Bošnjačkom nacionalnom vijeću u Republici Srbiji, dostavio je izvod iz zapisnika sa posebne sjednice nastavničkog vijeća, izvještaj Komisije za izbor direktora škole, biografiju oba kandidata kao i izjave kandidata o namjerama zalaganja za obrazovanje na bosanskom jeziku.

Imajući u vidu navedenu izjavu o namjerama za zalaganje za obrazovanje na bosanskom jeziku, Bošnjačko nacionalno vijeće u Republici Srbiji će aktivno pratiti obim i kvalitet realizacije navedene izjave, kao i sam proces izvođenja nastave na bosanskom jeziku kako u pogledu kvaliteta nastave, tako i izjašnjenja roditelja učenika o jeziku nastave, te će u skladu sa utvrđenim činjenicama i nalazima preduzeti zakonom propisane mjere.

U skladu sa članom 123. stav 8. Zakona o osnovama sistema obrazovanja i vaspitanja: "U ustanovi u kojoj se obrazovno-vaspitni rad izvodi i na jeziku nacionalne manjine, organ upravljanja pribavlja mišljenje odgovarajućeg nacionalnog saveta nacionalne manjine.", Izvršni odbor Bošnjačkog nacionalnog vijeća u Republici Srbiji je donio odluku o davanju pozitivnog mišljenja na izbor Nazima Suljića na radno mjesto direktora OŠ "Jošanica" u Novom Pazaru.

BOŠNJAČKO NACIONALNO VIJEĆE U REPUBLICI SRBIJI

Predsjednik Izvršnog odbora

